

Gvangjsih Swfhfan Yozyen Hagseng 2015 Gaep Siujyoz Gyauyuz Conhyez (Cuengh Gun Song Vah Fuengyiengq) Hainduj Bae Sizsiz

广西师范学院 2015 级小学教育专业(壮汉双语方向)学生开展实习活动

3 nyied 16 hauh banhaet, Gvangjsih Swfhfan Yozyen Codaengj Gyauyuz Yozyen ciuhai hoih dungyenz 2015 gaep Cuengh Gun song vah bansizsiz. Codaengj Gyauyuz Yozyen Liengz Yij fuyencangj, Cuengh Gun Song vah bansonhag bouxfucwz Liengz Cunhlanz lauxsae caeuq 2015 gaep ban Cuengh Gun song vah cienzbouh hagseng camgya le aen hoih neix.

Gwnz hoih, Liengz Yij guh le dungyenz gangjavah, giengzdiuh naeuz gij youqgaenj sizsiz he, iugouz gyoengq doengzhag nyinhcaen guh ndei sizsizwng h cizcwz, yiemzgek ciuqsouj sizsiz gijliz, aeu vwnzmingz laexmauh, aeu gij cozfung h dabsaed caeuq gij daidu yenzsuz de, hawsim yiengq lauxsae hagdangz sizsiz hagsib, caenh' itbouh daezsang conhyez swheij, nyinhcaen guh ndei gyauyuz sizsiz yinvu.

Mbatneix sizsiz seizgan dwg 3 nyied 20 hauh daengz 5 nyied 20 hauh.

(Cau Yangzmeiz / 赵杨梅 Vangz Yingjiz / 黄颖怡)



▲Hagseng nyinhcaen dingq.



▲Yozyau lingjdauj guh dungyenz gangjavah.

Lungzswng: Siujhagseng Banh Vacanj

龙胜:小学生办画展

3 nyied 22 hauh, Lungzswng Gak Cuz Swciyen Lungzswng Cin Siujyoz cujiz hagseng youq yienhsingz banh aen vacanj siujhagseng cawjdaez dwg "ranz youq Lungzeiz", itgungh baij ok mbawveh 200 lai fuk.

Gaenh geij bi neix daeuj, Lungzswng Cin Siujyoz cibfaen yawjnaek beizyangj gij gosong fazcanj gyoengq hagseng, dawz yisuz sonhag yinxhaeuj hagdangz cingzyauq gig yienhda.

(Vangz Yungjdanh/黄勇丹)

► Lauxsae daiq gyoengq lwgnyez yawjngonz vacanj.



▲Gyoengq lwgnyez hag oemj saw.

Liujcouh Si Bozvuzgvanj Bae Yungzsuij Guh Bozvuz Cihisiz Haeuj Hagdangz Hozdung

柳州市博物馆到苗山开展 博物知识进校园活动

3 nyied 15 hauh, Liujcouh Si Bozvuzgvanj baij gunghcoz yinzyenz bae daengz Yungzsuij Myauzcuz Swciyen Gungdung Yangh Gvangiyau Siujyoz guh bozvuz cihisiz haeuj hagdangz hozdung.

Bozvuzgvanj gunghcoz yinzyenz sien doengzgvaq saw doz dohmeizdij hawj gyoengq lwgnyez gaisau le Liujcouh Bozvuzgvanj miz maz doxgaiq, vihmas aeu haeuj ndaw Bozvuzgvanj bae yawjngonz daengj neiyungz; ciep roengz-daeuj caiq son gyoengq lwgnyez yungh gij gisuz yaenqsaw aencih doenghndaej gag swheij doengh fwngz aeu benjfaex deu fukveh caeuq oemj yaenq cihisaw; doeklaeng caiqliz soengq hawj gyoengq doengzhag buek saw caeuq gij hagsib yunghdawz daengj doxgaiq.

(Liengz Gingmyauz/梁庆苗)



▲Dahsau langhbaij gij caizyi bonjfaenh.

Yungzsuij: Cunhse Senj Dahsau Gyaendei

融水:春社选美

3 nyied 22 hauh, Yungzsuij Myauzcuz Swciyen Bwzyinz Yangh Yenzgyangh Myauzcaiz gawjbanh daihcib gaiq cunhse hozdung, guh Go' myauz doiqciengq, senj dahsau gyaendei, beggen doxdax daengj hozdung, yinx ndaej haujlai vunzmbanj daeuj camgya.

(Liu Swjyenh/廖子渊)



▲Song daeg mbauq neix doxdax beggen.